



Tužilaštvo-Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0019950 20

Datum: 07.01.2022. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem

OPTUŽNICU

Protiv:

Nikačević Miodrag zv. „Zunda“ i „Nikač“,

rođen 23.07.1964. godine u Čajniču,

Što je:

U vremenskom periodu od sredine aprila 1992. godine do kraja septembra 1992. godine na području općine Foča, u vrijeme širokog i sistematskog napada vojnih, paravojnih i policijskih snaga tzv. Srpske republike BiH, a potom Republike Srpske, a koji je trajao od 08.04.1992. godine pa najmanje do kraja oktobra 1994. godine, usmjerenog protiv civilnog stanovništva bošnjačke nacionalnosti općine Foča, znajući za takav napad i da njegove radnje čine dio tog napada, kao pripadnik tih snaga u svojstvu komandira specijalne jedinice zv. „Nikač“ koja se nalazila u sastavu srpskih vojnih i policijskih formacija u Foči, vršio progon civilnog stanovništva bošnjačke nacionalnosti na nacionalnoj i vjerskoj osnovi, postupajući suprotno pravilima Međunarodnog humanitarnog prava kršeći odredbe zajedničkog člana 3. Ženevskih konvencija od 12.08.1949. godine¹, u okviru kojeg progona je:

1. Neutvrđenog dana tokom ljeta 1992. godine u selu Đulkovina, općina Foča, **Nikačević Miodrag** je učestvovao u prisilnom nestanku osobe bošnjačke nacionalnosti, i to tako što su **Nikačević Miodrag**, došli naoružani u selo

¹ Član 3.: U slučaju oružanog sukoba koji nema karakter međunarodnog sukoba, a koji izbije na teritoriji jedne od Visokih strana ugovornica, svaka od strana u sukobu biće dužna da primenjuje bar sledeće odredbe:

1) Prema licima koja ne učestvuju neposredno u neprijateljstvima, podrazumevajući tu i pripadnike oružanih snaga koji su položili oružje i lica onesposobljena za borbu usled ... lišenja slobode ili iz kojeg bilo drugog uzroka, postupaće se, u svakoj prilici, čovečno, bez ikakve nepovoljne diskriminacije zasnovane na ... veri ... ili kome bilo drugom sličnom merilu.

U tome cilju zabranjeni su i zabranjuju se, u svako doba i na svakom mestu, prema gore navedenim licima sledeći postupci: a) povrede koje se nanose životu i telesnom integritetu, naročito sve vrste ubistva, b) uzimanje talaca; c) povreda ličnog dostojanstva, naročito uvredljivi i ponižavajući postupci; ...

Đulkovina, a zatim su nezakonito lišili slobode [REDACTED], kojeg su nakon određenog vremena **Nikačević Miodrag** i [REDACTED] prisilili da uđe u gepek automobila, a zatim ga odvezli u pravcu Foče, i od tada se gubi svaki trag [REDACTED] i isti se smatra nestalim;

2. Dana 27.07.1992. godine u selu Bijele vode - općina Foča, **Nikačević Miodrag** je učestvovao u nečovječnom postupanju i ubistvu civila bošnjačke nacionalnosti, tako što je **Nikačević Miodrag** zajedno sa drugim uniformisanim i naoružanim pripadnicima srpske nacionalnosti, došao u selo Bijele Vode gdje je nezakonito lišio slobode civile [REDACTED] i [REDACTED], nakon čega je [REDACTED] udario kundakom puške u predjelu leđa, i time mu nanio velike patnje, a zatim tražio od [REDACTED] da zove komšiju [REDACTED] da dođe iz šume do njih govoreći pri tome [REDACTED] da viče glasno: "[REDACTED] zove te [REDACTED] da se predaš i da idemo u Foču", a nakon toga su **Nikačević Miodrag**, [REDACTED] i drugi naoružani srpski pripadnici vojno-policijskih formacija naredili [REDACTED] da se kreću prema kamionu, te su ih za to vrijeme udarali kundacima puške u predjelu leđa, i time im nanijeli velike patnje, nakon čega su ih ukrcali u žuti kamion „Fap“ kojeg je vozio [REDACTED], a potom su ih kamionom odvezli u pravcu mjesta Duge njive, a onda prema šumi zvanj Laze, gdje su ih ubili rafalnim pucnjevima iz automatskog oružja;
3. Dana 18.08.1992. godine u večernjim satima na području općine Foča, **Nikačević Miodrag** je pomogao u prisiljavanju dvije bošnjakinje na seksualni odnos ili s njim izjednačenu seksualnu radnju (silovanje), tako što je naoružan i u policijskoj uniformi zajedno sa drugim uniformisanim i naoružanim pripadnicima VRS među kojima je bio [REDACTED] došao u naselje Čohodor Mahala u Foči, odakle su iz porodične kuće izveli [REDACTED] a zatim ih natjerali da uđu u vozilo koje je vozio **Nikačević Miodrag**, te ih odvezli u pravcu Miljevine i dovezli ih do jedne napuštene kuće, a zatim je **Nikačević Miodrag** naredio ovim dvjema bošnjakinjama da izađu iz vozila znajući da će [REDACTED] biti silovana, nakon čega je [REDACTED] uveo [REDACTED] u kuću, a zatim je silovao oštećenu [REDACTED], dok je **Nikačević Miodrag** ostao sa [REDACTED] i čekao ispred kuće pri čemu je pokušao poljubiti [REDACTED] a nakon toga su obje oštećene ponovo natjerali da uđu u vozilo, te su tokom vožnje razgovarali šta da rade sa njima pri čemu je **Nikačević Miodrag** rekao da će ih ubiti, a zatim su ih dovezli ispred jedne zgrade u Foči, u blizini policijske stanice, gdje je **Nikačević Miodrag** izveo ove dvije bošnjakinje iz vozila i odveo ih u jedan stan koji se nalazio na trećem spratu zgrade, izvadio je ključeve od stana i otključao ga, a onda je predao ključ jednom od trojice srpskih vojnika koji su se popeli u zgradu za njima, iako je bio svjestan da će oštećene biti silovane od tih srpskih vojnika, da bi potom **Nikačević Miodrag** napustio zgradu, dok su ove dvije bošnjakinje ostale u tom stanu sve do jutra, u kojem periodu je [REDACTED] silovana od strane [REDACTED] od strane jednog od druge dvojice vojnika kod kojih su ostavljene;
4. Dana 18.08.1992. godine u noćnim satima u Čohodor Mahali – općina Foča, **Nikačević Miodrag** je učestvovao u nečovječnom postupanju prema civilima bošnjačke nacionalnosti, i to tako da je zajedno sa [REDACTED] otišao u naselje Čohodor Mahala, te ušao u porodičnu kuću bošnjaka [REDACTED] u kojoj su se nalazili [REDACTED] nakon čega su **Nikačević Miodrag** i [REDACTED] fizički i psihički maltretirali oštećene, pa su tako stavili nož pod grlo [REDACTED] prijeteći da će ga zaklati, nakon čega je [REDACTED] počela da plače, i time im nanijeli velike patnje, a zatim su **Nikačević Miodrag** i „Tuta“ napustili kuću, a nedugo nakon toga se ponovo vratili u ovu kuću, kako bi ih ubili s ciljem osвете prethodno ubijenog srpskog vojnika, i time im nanijeli velike patnje, u čemu ih je spriječio [REDACTED] koji

je zamolio **Nikačević Miodraga** da porodica ostane u Foči do sutra, a **Nikačević Miodrag** mu je na to rekao da će svi završiti na Drinskom mostu ako sutra ne napuste Foču, nakon čega su narednog dana [REDACTED] napustili Foču i pobjegli na Dragočavu, a zatim preko šuma u Crnu Goru;

5. Dana 29.08.1992. godine u selu Potpeće, općina Foča, **Nikačević Miodrag** učestvovao u zatvaranju i prisilnom preseljenju 10 civila bošnjačke nacionalnosti, te ubistvu šest (6) civila bošnjačke nacionalnosti, i to tako da su **Nikačević Miodrag**, [REDACTED] zajedno sa 20-ak pripadnika jedinice „Nikač“ ušli u selo Potpeće podijeljeni u grupe, nakon čega su dvije grupe vojnika, uključujući [REDACTED] i **Nikačević Miodraga**, ispred kuće [REDACTED] zarobile 10 mještana sela Potpeće i to: [REDACTED], gdje se **Nikačević Miodrag** predstavio oštećenima kao „*Miodrag Nikačević, komandant Vojne policije*“, dok je [REDACTED] sa dva pripadnika „Nikačeve“ jedinice nezakonito lišio slobode još dva mještana i to [REDACTED] te su ih doveli pred kuću [REDACTED], dok su drugi pripadnici „Nikačeve“ jedinice pred kuću [REDACTED] doveli još pet mještana sela Potpeće i to: [REDACTED] a potom su pripadnici „Nikačeve“ jedinice natjerali ovih 17 zarobljenih mještana sela Potpeće da uđu u kuću [REDACTED], te su ih s vremena na vrijeme plašili ubacujući nešto u kuću i govoreći im: „*Eto bombe*“, pa su se smijali tome, a zatim su prosuli benzin po sobi gdje su držani zarobljeni civili, nakon čega je **Nikačević Miodrag** naredio pripadnicima jedinice „Nikač“ da povedu pojedine zarobljene žene i djecu prema Dragočavi, a potom su **Nikačević Miodrag**, [REDACTED] zajedno sa drugim pripadnicima jedinice „Nikač“ iz kuće izveli 11 zarobljenih žena i djece i to: [REDACTED], nakon čega je **Nikačević Miodrag** naredio [REDACTED] i još četvorici pripadnika jedinice „Nikač“ da pucaju na preostalih šest civila koji su ostali zatvoreni u kući, nakon čega je [REDACTED] stao jednom nogom na okvir prozora kuće koji je bio širom otvoren, dok je drugom nogom stajao na zemlji, te iz vatrenog oružja pucao na zarobljene osobe koje su ostale u kući, a potom je jedan od pripadnika Nikačeve jedinice uzeo ručnu bombu i ubacio je kroz prozor među zarobljene u kući, a nakon što je bomba eksplodirala, ušao je u kuću, ispalio još nekoliko rafala iz vatrenog naoružanja i izašao iz kuće, te su tako ubili šest zarobljenih civila i to: [REDACTED], a zatim zapalili kuću sa tijelima ubijenih, dok su preostalih 11 zarobljenih žena i djece odveli prema Dragočavi, gdje su zajedno sa dva druga zarobljena civila iz sela Saš na Dragočavi ukrkali na vojni kamion 150-ka te ih kamionom odvezli prema Foči i osim [REDACTED] zatvorili na području grada Foča, a nekoliko dana nakon toga preselili na područje Trnova pod kontrolom Armije BiH;
6. Dana 29.08.1992. godine u selu Potpeće, općina Foča, **Nikačević Miodrag** zv. „Nikač“ kao komandir specijalne jedinice zv. „Nikač“ kao nadređena osoba je znao ili je mogao da zna da su njegovi podređeni pripadnici jedinice „Nikač“ počinili nečovječna postupanja prema zarobljenim civilima bošnjačke nacionalnosti, a Nikačević Miodrag je propustio da preduzme nužne i razumne mjere da spriječi učinjenje ovog krivičnog djela odnosno da kazni učinitelje tog djela, pa su tako:
- a) [REDACTED], pripadnik jedinice „Nikač“, prišao je [REDACTED] a nakon što mu se obratio [REDACTED], koji ga je poznao, rekavši mu: „*Gdje si* [REDACTED] mu je odgovorio: „*Nemoj se meni*

obraćati, balijsku ti majku jebem“, a zatim je [REDACTED] jako udario [REDACTED] u predjelu oka, od kojeg udarca se [REDACTED] zatvorilo oko, a nakon nekog vremena u dvorištu kuće [REDACTED] je oborio na tlo [REDACTED], nogom mu stao na grudni koš, a zatim stavio nož ispod vrata, i time mu nanio velike patnje;

- b) jedan od pripadnika jedinice „Nikač“ je izveo ispred kuće [REDACTED] gdje ju je [REDACTED] hvatao za grudi, pa nakon što je oštećena počela negodovati zbog toga, [REDACTED] ju je ošamario od kojeg udarca je oštećenju [REDACTED] potekla krv iz nosa, i time joj nanio velike patnje;
- c) [REDACTED] pripadnik jedinice „Nikač“, sa još dva pripadnika Nikačeve jedinice, je nezakonito lišio slobode [REDACTED] i njegovu suprugu [REDACTED] ispred štale [REDACTED], a zatim su ga pretukli, i time mu nanijeli velike patnje, nakon čega [REDACTED] i ostali vojnici odvoze [REDACTED] kod ostalih nezakonito zarobljenih mještana ispred kuće [REDACTED] gdje su se nalazili drugi srpski vojnici pripadnici ove jedinice, gdje je bilo vidljivo da je [REDACTED] bio vidno pretučen i krvav, a nedugo nakon toga je ponovo odveo [REDACTED] do njegove kuće gdje ga je udario i nožem mu isjekao košulju, i time mu nanio velike patnje;
- d) jedan neidentifikovani pripadnik jedinice „Nikač“ je izveo [REDACTED] ispred njene kuće, a zatim joj je drugi pripadnik ove jedinice bajonetom urezivao krstove po lijevoj ruci usljed čega je krvarila, i time joj nanijeli velike patnje;

7. Dana 29.08.1992. godine u večernjim satima u selu Saš – općina Foča, **Nikačević Miodrag** učestvovao u zatvaranju i prisilnom preseljenju dva civila bošnjačke nacionalnosti, i to tako da su **Nikačević Miodrag** i [REDACTED] zajedno sa drugim pripadnicima jedinice „Nikač“, došli u selo Saš ispred kolibe u kojoj su spavali civili:

[REDACTED], a zatim su im lupali na vrata, nakon čega su **Nikačević Miodrag** i ušli u ovu kolibu te ispitivali mještane, a zatim su **Nikačević Miodrag** i naredili [REDACTED] da izađu iz kolibe, što su one i učinile, dok je u kolibi ostao [REDACTED] a nakon što su oštećene [REDACTED] zajedno sa **Nikačević Miodragom** i [REDACTED] došle do mjesta zv. Stupovi ili Donja bašća, a koje je udaljeno oko 500 – 600 metara od Dragočave, u blizini kuće [REDACTED]. **Nikačević Miodrag** je naredio da oštećena [REDACTED] idu na razmjenu u Foču, a da se [REDACTED] vrate kući u selo Saš, čemu se [REDACTED] usprotivila pa joj je [REDACTED] iz naručja oteo [REDACTED] i krenuo u pravcu Dragočave, nakon čega se [REDACTED] razdvojila od [REDACTED] i otišla za [REDACTED], a [REDACTED] dolazi do Dragočave gdje sjeda u vojni kamion 150-ka u kojem zatiče 11 mještana sela Potpeće koji su tu večer zarobljeni u svom selu, a na isti kamion se ukrcavaju i pripadnici Nikačeve jedinice među kojima i **Nikačević Miodrag**, [REDACTED], koji ih odvoze u Foču i zatvaraju u sportsku dvoranu Partizan, a dva dana nakon toga, u pratnji **Nikačević Miodraga**, protjeruju ih prema Trnovu na područje pod kontrolom Armije BiH;

8. Dana 29.08.1992. godine u večernjim satima u selu Saš – općina Foča, **Nikačević Miodrag** zv. „Nikač“ kao komandir specijalne jedinice zv. „Nikač“, kao nadređena osoba je znao ili je mogao da zna da su njegovi podređeni pripadnici jedinice „Nikač“ ubili zarobljene civile bošnjačke nacionalnosti, a **Nikačević Miodrag** je propustio da preduzme nužne i razumne mjere da spriječi učinjenje ovog krivičnog djela odnosno da kazni učinitelje tog djela, pa su tako:

- a) [REDACTED] i drugi pripadnici jedinice „Nikač“ su u kolibi zatekli pet civila koji su spavali, a među njima i [REDACTED], a nakon što su naredili [REDACTED] da izađu iz kolibe, što su one i učinile, u kolibi je ostao [REDACTED] kojeg su pripadnici jedinice „Nikač“ ubili upotrebom vatrenog oružja;
- b) dvojica pripadnika jedinice „Nikač“ zarobili su [REDACTED] koji je živio u kući preko puta kolibe u kojoj se nalazio [REDACTED] i drugi civili, te su doveli [REDACTED] na vrata te kolibe, a zatim su pretukli [REDACTED], a onda ga ubili kod njegove kapije;
- c) nakon što su zarobljene oštećene [REDACTED] dovedene od strane pripadnika jedinice „Nikač“ do mjesta zv. Stupovi ili Donja bašća, u blizini kuće [REDACTED], pripadnici jedinice „Nikač“ su ubili [REDACTED];
9. Dana 29.08.1992. godine u večernjim satima u Foči, **Nikačević Miodrag** učestvovao u nečovječnom postupanju prema četiri osobe bošnjačke nacionalnosti, i to tako što je u gradu Foči **Nikačević Miodrag** naredio razdvajanje četiri od 11 civila bošnjačke nacionalnosti koje su nezakonito zarobljene tokom tog dana u selima oko Foče, pa je tako naredio da se odvoje [REDACTED] koje je onda **Nikačević Miodrag** odveo u Policijsku stanicu u Foči, gdje je **Nikačević Miodrag** u kancelariji prisustvovao ispitivanju sve četvero kojom prilikom je jedan od prisutnih vojnika i to jedan od braće Pjano uhvatio [REDACTED] za uho i htio da joj isto odsječe psujući joj „kurvinu majku“, a drugi vojnik ju je tukao rukama po glavi i šamarao je, a onda je uzeo željeznu lopatu i nastavio je udarati po glavi, ramenima i leđima, dok je jedan od vojnika ispitivao [REDACTED] i pri tome mu prislonio nož na stomak, i time im nanijeli velike patnje;
10. Dana 29.08.1992. godine u večernjim satima u Foči, **Nikačević Miodrag** je učestvovao u prisilnom nestanku jedne osobe bošnjačke nacionalnosti, i to tako da nakon što je [REDACTED] nezakonito lišen slobode tog dana na području svog sela Potpeće od strane pripadnika jedinice „Nikač“, a zatim doveden u grad Foču, ispred zgrade Policijske stanice u Foči **Nikačević Miodrag** je naredio [REDACTED] da sjedne na zadnje sjedište u vozilo marke „Golf“, žute boje, nakon čega je **Nikačević Miodrag** sjeo na mjesto vozača, dok je drugi srpski vojnik sjeo na mjesto suvozača, te su odvezli [REDACTED] u nepoznatom pravcu, pa su se **Nikačević Miodrag** i drugi vojnik nakon pola sata vratili pred policijsku stanicu sa istim vozilom ali se sa njima nije vratio [REDACTED] i od tada mu se gubi svaki trag, te se smatra nestalim;

Dakle:

u okviru širokog i sistematičnog napada vojnih, paravojnih i policijskih snaga Republike Srpske, usmjeren protiv civilnog bošnjačkog stanovništva općine Foča, znajući za takav napad te da njegove radnje čine dio napada, kao pripadnik tih snaga, izvršio progon u okviru kojeg je učestvovao u prisilnom nestanku dvije osobe bošnjačke nacionalnosti, nečovječnom postupanju prema osobama bošnjačke nacionalnosti, ubistvu civila bošnjačke nacionalnosti, pomogao u prisiljavanju dvije bošnjakinje na seksualni odnos (silovanje), učestvovao u zatvaranju i prisilnom preseljenju civila bošnjačke nacionalnosti, kao komandir specijalne jedinice zv. „Nikačevi“ kao nadređena osoba je znao ili je mogao da zna da su njegovi podređeni srpski pripadnici jedinice „Nikač“ počinili nečovječna postupanja prema zarobljenim civilima bošnjačke nacionalnosti te ubili zarobljene civile bošnjačke

nacionalnosti, a Nikačević Miodrag je propustio da preduzme nužne i razumne mjere da spriječi učinjenje ovog krivičnog djela odnosno da kazni učinitelje tog djela;

Čime je počinio:

krivično djelo "Zločini protiv čovječnosti" iz člana 172. stav 1.² tačka h) (progon)³ u vezi sa:

1. tačkom i)⁴ člana 172, članom 29. (saizvršilaštvo)⁵ i članom 180. stav 1.⁶ Krivičnog zakona Bosne i Hercegovine, opisano pod **tačkom 1. i tačkom 10.** ove Optužnice;
2. tačkom a)⁷ i tačkom k)⁸ člana 172, a u vezi sa članom 29. i članom 180. stav 1. KZ BiH, opisano pod **tačkom 2.** ove Optužnice;
3. tačkom g)⁹ člana 172, a u vezi sa članom 31. (pomaganje) i članom 180. stav 1. KZ BiH, opisano pod **tačkom 3.** ove Optužnice;
4. tačkom k) člana 172, a u vezi sa članom 29. i članom 180. stav 1. KZ BiH, opisano pod **tačkom 4. i tačkom 9.** ove Optužnice;
5. tačkom e)¹⁰, tačkom d)¹¹ i tačkom a) člana 172, a u vezi sa članom 29. i članom 180. stav 1. KZ BiH, opisano pod **tačkom 5.** ove Optužnice;
6. tačkom k) člana 172. i članom 180. stav 2.¹² KZ BiH, opisano pod **tačkom 6.a) – 6.d)** ove Optužnice;
7. tačkom e) i tačkom d) člana 172, a u vezi sa članom 29. i članom 180. stav 1. KZ BiH, opisano pod **tačkom 7.** ove Optužnice;
8. tačkom a) člana 172. i članom 180. stav 2. KZ BiH, opisano pod **tačkom 8.a) – 8.c)** ove Optužnice.

Tužilac Tužilaštva BiH:

² Član 172. stav (1) Ko, kao dio širokog ili sistematičnog napada usmjerenog bilo protiv kojeg civilnog stanovništva, znajući za takav napad, učini koje od ovih djela: ...

³ ... h) progon bilo koje grupe ljudi ili kolektiva na ... nacionalnoj, ... vjerskoj, ... osnovi koja je univerzalno prihvaćena kao nedopustiva po međunarodnom pravu, u vezi s bilo kojim krivičnim djelom iz ovog stava ovog člana, bilo kojim krivičnim djelom propisanim u ovom zakonu...

⁴ i) prisilni nestanak osoba;

⁵ Ako više osoba, učestvovanjem u učinjenju krivičnog djela ili preduzimajući što drugo čime se na odlučujući način doprinosi učinjenju krivičnog djela, zajednički učine krivično djelo, svaka od njih kaznit će se kaznom propisanom za to krivično djelo.

⁶ Član 180.: (1) Osoba koja ... učini ... ili pomaže u ... učinjenju krivičnih djela iz člana ... 172. (Zločini protiv čovječnosti), 173. (Ratni zločin protiv civilnog stanovništva) ... ovog zakona, kriva je za to krivično djelo.

⁷ a) lišenje druge osobe života (ubistvo);

⁸ k) druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja;

⁹ g) prisiljavanje druge osobe na seksualni odnos ili s njim izjednačenu seksualnu radnju (silovanje), ...

¹⁰ e) zatvaranje ili drugo teško oduzimanje fizičke slobode suprotno osnovnim pravilima međunarodnog prava;

¹¹ d) deportacija ili prisilno preseljenje stanovništva;

¹² (2) Činjenica da je neko od krivičnih djela iz člana 171. do 175. ... ovog zakona učinjeno od strane podređenog, ne oslobađa njemu nadređenu osobu od krivice ukoliko je ta nadređena osoba znala ili je mogla znati da se njen podređeni sprema učiniti takvo djelo, odnosno da je već učinio takvo djelo, a nadređena osoba je propustila da preduzme nužne i razumne mjere da spriječi učinjenje krivičnog djela, odnosno da učinitelj tog djela bude kažnjen.